

ԿԱՐԻՆ-ԹԵՈԴՈՒՊՈԼԻՍԸ ԱՎԱՆԴՈՒԹՅԱՆ ԵՎ
ՊԱՏՄՈՒԹՅԱՆ ՄԵՋ

Ա. Ն. ՏԵՐ-ՂԵՎՈՆԴՅԱՆ

Արար պատմագրության մեջ հիշվում է մի ավանդություն Կարնո քաղաքի մասին, որը տեղական ծագում ունի IX դ. արար պատմիչ Բալազուրին խոսելով Հայաստանում բյուզանդական տիրապետության մասին գրում է. «Հռոմեաների գործերը երբեմն կարգավորվում էին և [տեղի իշխանները] դարձել էին ինքնագլուխ մանր տիրակալների նման՝ Նրանց (Հայաստանի) վրա իշխեց նրանցից մի մարդ՝ Արմինիակունը, որը մեռավ և նրանից հետո իշխեց նրա կինը՝ Կալի կոչված՝ Սա կառուցեց Կալիկալա քաղաքը և այն կոչեց Կալի Կալա և որի իմաստն է Կալիի բարեգործությունը: Ասված է, որ նա պատկերված է նրա դարպասներից մեկի վրա: Արարները Կալի Կալան արարացրին և կոչեցին Կալիկալա: Նույն դարի արար շախաճագրագետ Իրն ալ-Ֆակհիհը ավելի հակիրճ է հիշում այս նույն ավանդությունը. «Իսկ Կալիկալան մի կին է, որը կառուցել է Կալիկալան և սա նրա անունով է կոչվել, իսկ դրա իմաստն է Կալիի բարեգործությունը»², Իրն ալ Ասիբը գրեթե կրկնում է Բալազուրիի պատմածը. «Իսկ Կալիկալա է կոչվել այն պատճառով, որ Արմինիակունի պատրիկի կինը, որի անունը Կալի էր, կառուցել է այս քաղաքը և կոչել Կալի: Կալա, այսինքն Կալիի բարեգործությունը, իսկ արարները արարացրել են այն և ասել Կալիկալա»³:

Այս արարական ավանդությունը ունի իր նախատիպը, որը ձևավորվել է Բյուզանդական Հայաստանի հունացած (կամ գուցե քաղկեդոնիկ) հայերի միջավայրում: Այն գտնում ենք քաղկեդոնիկ հայի կողմից մոտավորապես 700 թ. շարադրված Հայոց համառոտ ժամանակագրության մեջ, որի հունարեն թարգմանությունն է մեղ հասել: Հայոց վերջին Արշակ Արշակունի թագավորի մասին հիշելուց անմիջապես հետո նա գրում է. «Նրա ժամանակ Հայաստանը բաժանվեց, կառուցվեց Թեոդոսուպոլիսը, որը նախկինում գյուղ էր և կոչվում էր Կալն Արխն այն պատճառով, որ երբ մեծ առաքյալ Բարթոլոմեոսը Պարթևաստան գնալիս Եփրատ գետում մկրտեց Պարսից արքայի եղբորորդուն և նրա հետ միասին երեք հազար մարդ, այնտեղ նա կառուցեց ամենասրբուհի Աստվածածնի անվան տաճար և այդ վայրում գտնվող գյուղն անվանեց Կալն Արխն (Բարի սկիզբ): Ահա: Թեոդոսիոս Մեծը ծանոթանալով այդ վայրին և նրա ջրին, հավանեց այն և կառուցեց հռչակավոր մի քաղաք և անվանեց այն Թեոդոսուպոլիս»⁴:

Պատմական ստույգ տեղեկություններից երևում է, որ իրոք վաղ միջնադարում Ս. Աստվածածնի տաճար է եղել Կարնո քաղաքում: VI դ. հույն պատմիչ Պրոկոպիոսը Հուստինիանոս Ա կայսեր կառուցումները նկարագրելիս հիշում է, որ նա Թեոդուպոլիսում Աստվածածնի տաճար կառուցեց և ավելացնում է նաև, որ Թեոդուպոլիսի մոտակայքում վերանորոգեց Փառասուն մարտիրոսաց վանքը⁵:

Հայ վարձագրության մեջ հայտնի չէ Ս. Բարթոլոմեոսի Կարնո կողմերը եկած լինելու ավանդությունը⁶, այսուհանդերձ նրա վարձում հիշվում է, որ Վասպուրականի Անձեաջյաց գավառում Անահիտ դիցուհու մենջյանը քանդելով փոխարենը կառուցել է Ս. Աստվածածնի տաճարը և վրան դրել Տիրամոր փայտակերտ քանդակը, որն իր հետ բերել էր Պաղեստինից: Հավանաբար Կարնո կողմերում ևս եղել է մի ավանդություն Բարթոլոմեոսի գործունեության մասին, որի արձագանքն է վերահիշյալ հատվածը հայ քաղկեդոնականի ժամանակագրության մեջ:

¹ Liber expugnationis regionum auctore al-Beladsori, Lugd. Bat. 1866, p. 197.

² Bibl. Geogr. Arab., V. 292.

³ Ibn al-Athir, al-Kamil, III, p. 40.

⁴ G. Garitte, La Narratio de rebus Armeniae, Louvain, 1952, p. 27, 65—70.

Հայերեն թարգմանությունը Ն. Բարթիկյանի, «Բանբեր մատենադարանի», № 6, էջ 461:

⁵ Պրոկոպիոս Կեսարացի, Թարգմ. Ն. Բարթիկյանի, Երևան, 1967, էջ 195:

⁶ Մկրչեյան, Լիակատար վարք և վկայաբանություն սրբոց, Թ, Վենետիկ, 1813, էջ. 425—426: Ղ. Ալիշան, Արշալոյս քրիստոնեութեան Հայոց, Վենետիկ, 1902, էջ 32—43:

Իսկ քաղաքի մեջ մի բարձրավանդակի վրա շինեց բազմաթիվ մթերանոցներ, որ կոչեց Ավգոստին¹² Ավգոստոսի պատվին: Եվ շատ տեղերից անհայտ ուղիներով ուրիշ շքեր բերեց մտցրեց քաղաքը: Քաղաքը [ցրեց զենքերով ու պահպան զինքերով և կոչեց Թեոդուպոլիս, որպեսզի քաղաքի անունը հիշելով անմահ մնա [թաղավորի] անունը: Իսկ բոլոր շքերունները վերեւից ծածկեց տաշած քարերով¹³:

Պրոկոպիոս Կեսարացին հակիրճ տողերով է նշում այս փաստը. «Երբ հռոմեացիների կայսր Թեոդոսը ստացավ Արշակի տերությունը, որի մասին ես քիչ առաջ պատմեցի, բյուզնդերից մեկի վրա մարոց կառուցեց, որը սակայն մատչելի էր թշնամիներին և այն Թեոդոսուպոլիս անվանեց»¹⁴: Թեոդուպոլիսը ռազմական և վարչական կարևոր նշանակություն ունեւր և Բարձր Հայք (պաշտոնապես Մեծ Հայք կոչված) նահանգի վարչական կենտրոնն էր: Նա միաժամանակ ռազմագիտական կարևոր նշանակություն ունեւր Բյուզանդիայի ձեռքում գտնվող հայկական բոլոր նահանգների համար:

Պարսկա-բյուզանդական պատերազմների ժամանակ սասանյան Կավատ արքան 502 թ. պաշարեց Կարնո քաղաքը և զբաղվելով հիմնահատակ քանդեց, սակայն երբ պարսիկները պարտվեցին, Կարնո քաղաքը նորից անցավ Կայսրությանը և 506 թ. դաշնագրով նախկին դրությունը վերականգնվեց: Անաստաս կայսրը վերակառուցեց այն. «քաղաքը կառուցեց պարսպի մեջ առնելով այն բոլորը, որի վրա էր գտնվում Թեոդոսի ամրոցը: Նա քաղաքին տվեց իր անունը, բայց այնուամենայնիվ նրան չհաջողվեց չնչի քաղաքի հիմնադրի՝ Թեոդոսի անունը»¹⁵: Մի այլ տեղում, խոսելով քաղաքի ամրացման մասին, պատմիչը նշում է, որ այսպիսով Թեոդուպոլիսը և Դարան դարձան Կայսրության երկու ամենախոշոր ամրոցները արևելյան սահմանի վրա¹⁶:

Սակայն Անաստասի կառուցած պարսպները անբավարար էին և Հուստինիանոս կայսրը (527—565) մեծ վերափոխումներ մտցրեց Թեոդուպոլիսում: «Թեոդուպոլիսի պարսպը,— դրում է Պրոկոպիոսը,— բավական սովոր էր, բայց բարձրությունը չէր համապատասխանում այդ սովորությանը: Նրա բարձրությունը մոտավորապես երեսուն ոտնաչափի էր հասնում և զորհող թշնամիների համար, մասնավորապես պարսիկների, այն շատ դյուրամատչելի էր: Նա մատչելի էր նաև այն պատճառով, որ պաշտպանության համար չունեւր ոչ նախապարիսպ, ոչ էլ խրամ: Բացի այդ, քաղաքին մոտիկ կար մի բարձունք, որը պարսպի վրա էր կախված: Հուստինիանոս կայսրը դրա առաջն առավ հետևյալ կերպ. նախ և առաջ նրա շուրջը շատ խոր խրամ փորեց: Դրանից հետո նշված բարձունքը արթեց և վերածեց անանցանելի և անելանելի փապարների: Որպեսզի պարիսպը շատ բարձր լինի և միանգամայն անառիկ, նա վարվեց այնպես, ինչպես Դարա քաղաքում: Պարսպի առամենաշարերը նա սեղմեց իրար, առամների միջև թողնելով այնքան տարածություն միայն, որ բավական լինեւր այնտեղից հարվածել պաշարողներին, ապա նրանց վրա պարսպի ամրոցը երկարությամբ քարից էմբուրն կառուցեց, որի վրա վարպետորեն տեղադրեց այլ առամենաշար: Այնուհետև [պարիսպը] շրջապատեց նախապարիսպով, որի յուրաքանչյուր աշտարակը մի-մի բերյ էր և ամբողջ ամրությունը շատ նման էր Դարա քաղաքի [ամրությանը]: Նա այնտեղ հաստատեց բոլոր զինված ուժերը և Հայքերի զորավարին ու այնպես արեց, որ հայ թորեր լինեն ավելի հզոր և այլևս չսարսափեն պարսկական հարձակումներից»¹⁷:

571 թ. ապստամբության ժամանակ Թեոդուպոլիսում ստող զինվորական հրամանատար Հուստինոսը ձգտում էր օգնել հայ ապստամբներին: Ապահովության համար այստեղ փոխադրվեցին Դավիթի զանձարանը, կաթողիկոսարանի արժեքավոր կարասիները, անթները և այլն: Պարսկա-բյուզանդական քսանամյա պատերազմի ժամանակ խոսրով արքան 576 թ. հարձակվեց Թեոդուպոլիսի վրա, բայց չկարողանալով զբաղել, իր ճանապարհը շեղեց դեպի հարավ-արևմուտք:

VII դարում, երբ նորից սկսեց պատերազմը Բյուզանդիայի ու Իրանի միջև, խոսրով Փարվեզ արքան 608 թ. զբաղեց Կարնո քաղաքը: Այստեղից Համադան գերի տարվեց հայ քաղկեդոնիկ¹⁸ Նովհան կաթողիկոսը, նրա հետ մեկտեղ նաև քաղաքի բնակիչները¹⁹: 623 թ. Հերակլ կայս-

¹² Մ ո վ ս ե ս հ ո ո Ր Ն Ն ա ճ ի, Հայոց պատմություն, Թարգմ. Ս. Մախսյանի, Երևան, 1940, էջ 235:

¹³ Պրոկոպիոս, էջ 196:

¹⁴ Նույն տեղում, էջ 196:

¹⁵ Նույն տեղում, էջ 24:

¹⁶ Նույն տեղում, էջ 196—197:

¹⁷ G. Garitte, St. Théodore, évêque de Karlin-Theodosiopolis, Armeniaca, Venise, 1969, p. 1—8.

¹⁸ Սեբեոսի եպիսկոպոսի Պատմութիւն, Երևան, 1939, էջ 55:

րը գրավեց Կարնո քաղաքը և Հայաստանի վրայով մտավ Պարսկաստան¹⁹։ 629 թ. դաշնագրից հետո Կարնո քաղաքը մնաց որպես Բյուզանդական Հայաստանի մայրաքաղաքը, որտեղ նստում էր Հայոց իշխանը։ Այստեղ կայացավ նաև 633 թ. եկեղեցական ժողովը, որին Դվինից հրավիրված էր Եզր կաթողիկոսը²⁰։

Արարական նվաճումից հետո Կարնո քաղաքը խալիֆայության համար դարձավ առաջնակարգ ռազմական ամրություն Բյուզանդիայի դեմ և նույն նշանակությունն ուներ արաբների համար, ինչ որ ունեցել էր Բյուզանդիայի համար ընդդեմ Սասանյան Իրանի։ Արաբները Թեոդուպոլիսը կոչեցին Կալիկալա, քաղաքի հայկական անվան ասորական ձևից ազդվելով։ Ասորի պատմիչ Դիոնիսիոս Տելլ Մա՛րբացու ժամանակագրության մեջ կա Qalinqala ձևը²¹, որը բացառապես «Կարին քաղաք» անվան աղավաղումն է, միայն թե Կարին անվան «թ»-ն վերածված է «լ»-ի, իսկ քաղաք (քալաք) բառի վերջին «թ»-ն ընկած է։ Ահա այս ասորական Կալին Կալա ձևից մի «ե»-ի անկումով ստացվել է արաբական Կալիկալա ձևը։

Բանն այն է, որ հունական Կալի [Արիսի] ձևն էլ ասորական Կալիից է ծագում, մանավանդ որ բառավերջի «ն» հնչյունը հունարենում կարող էր ընկալվել որպես ուղիղ խնդրի հոլովական վերջավորություն։ Այսպիսով, հունացած հայերը՝ Կարին անվան ասորական Կալին ձևն է, որ յուրովի ստուգաբանելով Կալի (բարի) իմաստով են մեկնաբանել։

Սակայն արաբները այս տեղանվան փոխառության հետ միացրել են նաև տեղական հինավուրց ավանդությունը և այսպիսով ստուգաբանել են Կալիկալա անունը, կապելով Կալե Արիսի (միջին հունարեն արտասանությամբ՝ Կալի Արիսի, այսինքն՝ բարի սկիզբ) հետ։ Միայն թե արաբները բարո իմաստը տվել էին ոչ թե կալի բառին, այլ կալային, հավանաբար երկու բառերը իրար հետ շփոթելով։

Այսպիսով, արաբների մոտ ծնունդ է առել մի նոր ավանդություն, որը կորցրել է իր քրիստոնեական կերպարանքը և փոխանակ Ս. Բարթողիմեոսի, որը Աստվածամոր քանդակն էր դրել եկեղեցու վրա, կառուցողի դերում հանդես է գալիս մի առասպելական կին, որն իր քանդակն էր դրել քաղաքի դռներից մեկի վրա։ Իրոք Կարնո քաղաքի պարիսպների վրա եղել են հրեշտակի և կույսի քանդակներ, որոնք մինչև անցյալ դարը դեռ մնացել էին²։ Ներսես Սարգիսյանը, խոսելով Կարնո քաղաքի պարիսպների հյուսիսային դռան մասին, գրում է. «Այս դռան ներքին պարիսպին բարաուրին վրա քանդակուած էին մարդ մը ձիու վրա, նիզակի ձեռքին և երկու կողմը առիժներ, հրեշտակի և կույսի պատկերներ», իսկ սրանց կողքին եղել է հունարեն արձանագրություն²²։

Կարնո քաղաքի մասին հայկական գրույցի արաբական տարբերակի ծնունդը պատահական չէր, քանի որ այդ քաղաքը արտակարգ մեծ դեր էր կատարել արաբական խալիֆայության Բյուզանդիայի դեմ մղած պատերազմներում։

Վերին Միջնադարի նվաճումից (639) անմիջապես հետո արաբները ոչ միայն բուն Հայաստանը ասպատակեցին (Տուրուբերանի վրայով), այլև արշավանքներ ուղարկեցին Եփրատն ի վեր մինչև Կամախ, սակայն ինչպես երևում է, նրանք այդ ժամանակ չկարողացան գրավել Կարնո քաղաքը։ Հայաստան մտնող արաբական զորամասը, ըստ Բալազորիի, իլաթից հետո հասավ «Թթու չուր» (ալ-այն ալ-Համիզա)²³, որը գուցե Կարնո գավառում էր, բայց քաղաքի գրավման մասին խոսք չկա։ 654 թ. մեծ արշավանքի ժամանակ Հարիր իրն Մասլամա զորավարը հենց սկզբում գրավեց Կարնո քաղաքը և ապա Հայաստանի մյուս մասերը²⁴։ Սեբեոսը վկայում է, որ արաբները կողոպտեցին քաղաքի ոսկին ու արծաթը և այլ հարստություն²⁵, իսկ ըստ Բալազորիի՝ բնակիչները քաղաքը հանձնեցին երկու պայմանով՝ զիսահարկ վճարել և հեռանալ քաղաքից, և նրանցից շատերը հեռացան քաղաքից ու գնացին Փոքր Ասիա²⁶։ Այդ ժամանակ Հարիրը

19 Հ. Մ ա ն ա ն դ յ ա ն, Քննական տեսություն հայ ժողովրդի պատմության, հատ. Բ, Բ մասի նյութեր, Երևան, 1960, էջ 143—145.

20 Մ. Օ Ր մ ա ն յ ա ն, Ազգապատում, Ա, Բիյուրթ, 1959, էջ 687.

21 Chronique de Denys de Tell-Mahre, P., 1895, p. 97. Միքայել Ասորին տալիս է Qalinqala ձևը, որը վերադրում է հույներին, Chronique de Michel le Syrien, Paris, II, 1901, p. 521. III, 1905, p. 105.

22 Տեղագրութիւնք ի Փոքր և ի Մեծ Հայս, Վնեստիկ, 1864, էջ 74.

23 Beladsori, 176.

24 Beladsori, 197.

25 Ս ե բ ե ո ս, էջ 153.

26 Beladsori, 197.

գրավոր օգնություն խնդրեց Ասորիքի կուսակալ Մուավիայից, որը երկու հազար հոգու ուղարկեց և Հարիրը սրանց բնակեցրեց Կարնո քաղաքում, տալով կալվածներ:

Ըստ արաբ պատմիչի վկայության, 654 թ. նվաճումից հետո արաբական զորքը միշտ էլ մնաց Կարնո քաղաքում, սակայն այն բանից հետո, երբ Հայոց տերությունը անկախ վիճակ ժողացավ և մասնավոր 80-ական թվականներին, երբ բյուզանդացի զորավար Լեոնտիոսը և ապա նաև Հուստինիանոս կայսրը արշավանքներ կատարեցին դեպի Հայաստան, Կարնո քաղաքը արաբների ձեռքում շմնաց:

Համենայն դեպս 693—701 թթ. Մուհամմադ Իրն Մովանի արշավանքի ժամանակ, երբ Հայաստանը վերջնականապես նվաճվեց օմայյանների կողմից, արաբները հաստատվեցին Կարնո քաղաքում և թեև Արմինիա ոստիկանության մեջ էր մտնում այս քաղաքը, այնուամենայնիվ ուներ իր զինվորական կառավարիչը և որոշ վարչական ինքնուրույնություն, միաժամանակ սերտորեն կապված լինելով «վերին Միջագետքի սահմանային դոտի» կողմած վարչական միավորի հետ: 747—750 թթ. հայկական ապստամբության ժամանակ Դիրզոր Մամիկոնյանը գրավեց Կարնո քաղաքը և այնտեղ հաստատվեց ու մնաց մինչև իր մահը²⁷: Արաբայանների խալիֆայության հաստատման տարիներին, օգտվելով գեո անորոշ դրությունից, Բյուզանդիայի կայսր Կոստանզին Կոպրինիմոսը 652-ին գրավեց Մելիտենեն, իսկ ապա՝ նաև Կարնո քաղաքը (ըստ Ասողիկի հայոց ՄԴ թվականին, այսինքն 755-ին)²⁸: Ըստ Բալազուրիի, արաբներն այդ ժամանակ մեծ զորք չունեին քաղաքում, իսկ կառավարիչն էր Աբու Փարիման: Բյուզանդական զորքի հրամանատարն էր Քուսան անունով մի հայ, որը պաշարեց քաղաքը, իսկ քաղաքի ընկնելից երկու հայ եղբայրներ պարիսպը ծակեցին և Քուսանին ներս մտցրին: Քուսանը կործանեց քաղաքի պարիսպները և շատ արաբների սպանեց²⁹: Այդ ժամանակ հույները տարան տեղումնական խաչի նշանը, որը քաղաքում էր եղել որպես սրբություն³⁰: Մյուս տարում (այսինքն 756 թ.)³¹ Արմինիայի նեղ դոտիկանը վերագրավեց քաղաքը, մարդահարկի միջոցով վերականգնեց պարիսպները և նորից այնտեղ արաբների բնակեցրեց³²:

774—775 թթ. ապստամբության ժամանակ Մուշեղ Մամիկոնյանը Կարնո քաղաքը պաշարեց՝ մեծ անհանգստություն պատճառելով արաբներին, սակայն 775 թ. զարնանը Ամր Իրն Իսմայիլի հարձակման ժամանակ ստիպված եղավ վերացնել պաշարումը, թեև արաբական կայազորը գրեթե պատրաստ էր հանձնվելու³³: Ըստ Բալազուրիի, հույները հարձակվեցին Կարնո քաղաքի վրա նաև Մուսաբիմ խալիֆայի ժամանակ (833—842) և մեծ վնաս հասցրին քաղաքի պարսպին: Մուսաբիմը հինգ հարյուր հազար արծաթ դրամ (դիրհեմ) ծախսեց ամրացնելու համար պարիսպները³⁴:

Բազրատունյաց ժամանակաշրջանում Կարնո քաղաքը Հայոց թագավորության մեջ էր մտնում, սակայն ուներ հատուկ գոյավիճակ: Նույնիսկ այն բանից հետո, երբ Հայաստանը իր բոլոր կապերը խզեց Արաբսյան խալիֆայությունից, Կարնոում արաբական զորքերը դեռ մնում էին և այս էր պատճառը, որ հույները 895 թ. հարձակվեցին Կարնո քաղաքի վրա, պաշարեցին այն, բայց հետո թողեցին ու հեռացան³⁵: Քաղաքի զինվորական կառավարիչները, որոնցից այդ ժամանակաշրջանում գիտենք երկուսին (Ջբրի և Բշիր) Աշոտ Ա-ի և Սմբատ Ա-ի ժամանակ թեև ենթակա էին Հայոց թագավորին, այնուամենայնիվ սերտորեն կապված էին նաև ուղղակի Արաբսյան խալիֆաների հետ: Ըստ Կոստանդին Միրանաժնի, արաբական կայազոր կար Կարնո քաղաքում և Ավնիկ ու Մաստատոն ամրոցներում³⁶:

Սմբատ Ա-ի մահվանից (913) մինչև 949 թ. ընկած ժամանակահատվածում կայսրությունը արշավանքներ կազմակերպեց դեպի Հայաստան, մինչև որ կարողացավ գրավել Կարնո քաղաքը:

27 Պատմութիւն Դեոնեդայ մեծի վրդ. Հայոց, Պետերբուրգ, 1887, էջ 124:

28 Ստեփանոսի Տարօնեցույ Ասողկան, Պատմութիւն տիեզերական, Պետերբուրգ, 1885, էջ 142: Նույն թվականը տալիս է նաև Միքայել Ասորին, Chronique de Michel le Syrien. II, 521

29 Beladsori, 199.

30 Դեոնեդ, էջ 129:

31 Ասողիկ, էջ 142:

32 Դեոնեդ, էջ 129:

33 Դեոնեդ, էջ 142, 148:

34 Beladsori, 199.

35 Թովմայի վրդ. Արծրունույ Պատմութիւն տանն Արծրունեաց, Պետերբուրգ, 1887, էջ 231:

36 Const. Porph., De adm. imp., Bud., 1949, I, 211—213.

Այդ նույն ժամանակ մահմեդական տարբեր երկրներից օգնական զորքեր էին ուղարկվում Կարնո քաղաք³⁷։ Հետ Միրանաձին, Կարնո շրջակայքը իրար ետևից ասպատակեցին մի քանի բյուզանդական զորավարներ՝ Արմենիակոս բանակաթեմի ղեկավարական կառավարիչ Լալակոնը ուրիշների հետ, Կատակալոն Մագիստրոսը, Հովհան Կուրկուսը և նրա հորալոր Բեոփիլոսը, Իսկ 922 թ. Հովհան Կուրկուսը ասպատակեց Կարին, Բասեն գավառները և հասավ մինչև Դվին³⁸։ Վերապես 949 թ. հուլյները վճռական հարձակման անցան՝ Դրանից առաջ Պրոտոսպարիոս Հովհան Առաքունիզեքը և Պատմիկ Բեոփիլոսը մեծ ավերածություններ էին գործել Ավինիկի շրջակայքում։ Հովհանը գրավեց Մաստատոնը և հանձնեց հայազգի Մագիստրոս Բագարատին (Պանկրատիոս)։ Հենց 949 թվին բյուզանդացիք գրավեցին Կարնո քաղաքը³⁹ և թեև մեծ վնասներ պատճառեցին, այնուամենայնիվ պահեցին իրենց ձեռքում, իսկ կառավարիչ նշանակվեց Բեոփիլոսը։

Կարնո քաղաքը 949 թ. ավերումից հետո մնաց սոսկ որպես ռազմական կետ, բայց այլևս մեծ քաղաք չէր, քանի որ նրանից որոշ հեռավորության վրա արդեն գոյություն ունի վաճառաշահ Արծն քաղաքը։ Կարծվում է, որ Կարնո քաղաքի նույնիսկ բնակչությունը տեղափոխվել էր Արծն, որտեղ XI դարում 150 հազար մարդ էր ապրում։ 979 թ., երբ ապստամբ Վարդ Սկլերոսը պարսկեց և կայսրը Տալիթ Դավիթ Կյուրապաղատ Բագրատունուն շնորհեց չափական այն գավառները⁴⁰, որոնք նա խոստացել էր ապստամբության դեմ պայքարի նրա մասնակցության փոխարեն, Կարնո քաղաքը և անցավ Դավիթին։ Այս տարիներից մնացել է մի հունարեն կիսատ, կցկուտ արձանագրություն, որը կրում է արաբազործության 6500, այսինքն 992 թվականը⁴¹։ Դավիթ Կյուրապաղատի սպանությունից հետո, երբ նրա հողերն անցան Կայսրությանը, վերջինս այստեղ բանակաթեմ կազմակերպեց (Իրեքիս կոչված), որի մեջ տեղում էր նաև Կարնո քաղաքը։ Քաղաքի պարիսպների վրա պահպանվել է մի այլ հունարեն արձանագրություն, ուր հիշվում է Իրեքիսի կատապան Ռոմանոս Դալասինոսը⁴² և թեև չկա թվական, այսուհանդերձ, կասկածից վեր է, որ սա վերաբերում է այն տարիներին, երբ հայկական հողերից կազմված այս բյուզանդական բանակաթեմի կատապանն էր Ռոմանոսը (1023—1026)։

Կարնո քաղաքը խիստ տուժեց պատերազմների ավերածությունից, և թեև 1018—1019 թթ. հուլյները վերակառուցեցին⁴³, այսուհանդերձ կարծես թե V—XI դարերից ոչ մի կառույց չի մնացել։ Հետազոտողներն ու ճանապարհորդները այստեղ չեն նկատել ոչ մի հին եկեղեցի կամ այլ կառույցվածք, բացի պարիսպների ու դարպասների որոշ շինքի մասերից⁴⁴։ 1048 թ. սելջուկները գրավեցին ու ավերեցին Արծնը, որից հետո նորից է սկսվում Կարնո քաղաքի ծաղկումը։ Այս շրջանում քաղաքը արևելյան ժողովուրդների մոտ կոչվում է Արդրում (Էրզրում), որը Արծն ալ-Ռում կամ Արզն ալ-Ռում անվան աղավաղումն է⁴⁵։

Կարնո քաղաքի մասին մի ուրիշ հայկական ավանդություն ևս անցել է արաբ մատենագիրներին։ Բ. դարի արաբ աշխարհագրագետ Իբն ալ-Ֆակիհը (նույնը տալիս են նաև Աբու Դուլաֆը և Յակուտը) հաղորդում է հետևյալը. «Պատմել են [հիշատակել] հրաշալիքներից այն, որ Կալիկալայում քրիստոնյաների եկեղեցիներից մեկում կա մի տուն։ Նրա ծաղկազարդի գիշերն է լինում, այդ տան մի տեղից սպիտակ փռչել է դուրս գալիս մինչև առավոտ։ Առավոտյան այդ տեղը փակվում է մինչև հաջորդ տարվա նույն ժամանակը։ Կրոնավորները այն վերցնում են և բաշխում ժողովրդին։ Դա հատուկ դեղձափ է, թույլների, կարիճների և օձերի խայթվածքի դեմ։ Նրանից մի դանգ⁴⁶ չրի հետ տալիս են խայթվածին խմելու և անմիջապես հանգստանում է։ Մի ուրիշ

³⁷ Ա. Տեր-Ղևոնդյան, Արաբական ամիրայությունները Բագրատունյաց Հայաստանում, Երևան, 1965, էջ 158—163։

³⁸ Const. Porphy., De adm. imp., I, 209.

³⁹ Ասոդի Կ., 179։ E. Honigsmann, Die Ostgrenze des Byzantinischen Reiches, Bruxelles, 1935, p. 79—80.

⁴⁰ Ասոդի Կ., 192։

⁴¹ Զ. Յ. Քոսյան, Բարձր Հայք, Ա, Կարնո քաղաքը, Վիեննա, 1925, էջ 10։

⁴² N. Adontz, Notes arméno-byzantines, Etudes arméno-byzantines, Lisbonne, 1965, p. 163. 172.

⁴³ Պատմություն Արևստակիսի Լաստիվերտույ, Երևան, 1963, էջ 28։

⁴⁴ Զ. Ս. Էփրիկյան, Պատկերազարդ բնաշխարհիկ բառարան, Ա, Վենետիկ, 1907, էջ 118։ H. F. B. Lynch, Armenia, travels and studies, II, London, 1901, p. 210—213.

⁴⁵ R. Hartmann, Erzurum, Enc. of Islam, II, Leyden—London, 1913, p. 31.

⁴⁶ 0,56 գրամ։

հրաշք էլ այն է, որ եթե այդ փոշին ծախվեց կամ փոխարենը որևէ նյութական արժեք վերցվեց, ապա խմորը չի օգտվի և իր ցավից չի բուժվի»⁴⁷։

Բնական է, որ այս ավանդությունը ևս արարենքը վերցրել են հայերից, սակայն դժվար է ասել, թե Կարին քաղաքի ո՞ր հայկական եկեղեցու հետ է կապված այս ավանդությունը։ Գուցե նա կապված է այն նշանավոր տերունական խաչի նշանի հետ, որը քաղաքի գանձերից մեկն է համարվել։ Համենայն դեպս այս ավանդությունը և քաղաքի հիմնադրման խնդրո առարկա զրույցը արար մատենագրության մեջ մուտք են գործել բանավոր միջոցով, քանզի արար մատենագիրները շատ հաճախ էին հավաքում նման զրույցներ Հայաստանում։

Քննարկված արարական ավանդությունը մեկն է այն հայկական ավանդություններից ու պատմական զրույցներից, որոնք բանավոր ձևով վերցվել են արար մատենագիրների կողմից։ Այս ավանդությունը մեղ ստիպում է վերանայել Կարին քաղաքի պատմությունը, քաղաք, որը միջնադարյան արևելքի պատմության մեջ չափազանց կարևոր դեր է կատարել։

КАРИН-ФЕОДОСИОПОЛЬ В ЛЕГЕНДЕ И В ИСТОРИИ

А. Н. ТЕР-ГЕВОНДЯН

Р е з ю м е

У арабского историка IX в. Балазури существует предание об основании города Карин (Феодосиополь) женщиной по имени Кали, женой патрикия Армении, а город был назван Каликала (благодетяние Кали). Аналогичное предание упоминается еще в анонимном историческом сочинении Narratio de Rebus Armeniae, согласно которому св. Варфоломей построив церковь в Карине, назвал это место (село) Καλή ἀρχή (доброе начало), а в дальнейшем оно было названо Феодосиополь.

Арабское имя этой женщины—Кали—происходит от греческого названия места. Дело в том что армянский Карин в сирийском передан как Калин, который и является основой для греческой Кали архи (в среднегреческом произношении).

По этому поводу в статье дается краткая история Феодосиополя от основания до XI в. Этот укрепленный город играл чрезвычайно важную роль сперва в борьбе греков против Ирана, а затем арабов против Византии.

⁴⁷ Bibl. Geogr. Arab. V, 295.